

湘綺樓日記

湘綺樓日記

光緒二十年甲午

甲午正月己卯朔旦晴昨夜通宵未睡早起家人已畢集矣謁

三廟

三祀朝食後攜復真兩女純盈慧壽四孫黃氏外孫王嫗步至浩園未扣門紈女湘孫昇來同入僧寮寄禪道香澄念及不知名三僧先在諸女旋還余留午齋還

二日風雨意象蕭索因不出門復謝客居樓中鈔書擲骰胡墻來時天稍開霽略談而去輿兒畫屏款格竟日送紙店不收又可怪也近日四民皆無情理

三日陰雨鄭七笠僧闖入設素食款之薄暮寄禪僧七僧來復爲設供今

日齋僧一日夜復得齋頗爲恬愉作得壽對一聯

眉壽銘功有吉金瑞
玉衡山刻石紀海

四日雨笠僧復來索改新詩窠女來胡大爺及海漁來久坐夕窠去

五日陰料理賀年茫無頭緒呼戴明來排路將出沈子趣來云湘潭令將
訛詐之求解臬司甚可詫也出從東北繞南西半城而還入者筠仙小
兒家程子大家黃三親家藩署糧署胡壻家覓一轎夫飯處不得道遇
岳州水師總兵同行數處還猶未暮跪誦蓮經身心泊然

六日陰見日沈子粹暮來云事未發任師耶荒唐也是兒今將敗耶家中
年事無辦未能款之約其明日午飯黃兆槐新放古江兵備來拜羅順
循亦入隆觀察必欲踵入余甚窘也程子大又來

人日陰看田契尋糧票家中遂無存者可免追呼之慮矣沈子粹來黃兆
槐羅順循皆於忌辰拜客羅本不可拜客黃則恐相見嫌簡耳

八日陰清卿作生日晨往寢門不關衣冠滿庭不復通鼻余步入重門遇

孫翼之云當分班而入因直入逢送客遂獨坐面談久之看玉琴款題
王芳省字復一其銘以洞淡爲韻顧亭林以後人也諸客竟無入者排
門而出答隆道沈粹沈已先往拜門還矣急還早飯沈又來談諸婦女
並出游左祠一日費轎錢千亦奢教也

九日陰有雨出城省

墓因答黃孫張學臺張處與陳道臺妻駐門一時許余不耐欲還二僕不
出久之乃入問去年寄書云遂不達奇人也拳拳恐我失館無以爲生
瞿子久之流學臺才也申至蘇州館看戲撫臺大會紳幕將弁從未流
官分二廳設席余坐一席居然與徐年伯比肩亦自忘其僭資望使之
然然非禮也何以率諸後輩張子容同席迂直可厭客憚主勞相約夙
退未終席也可惜無數燒豬兔死不見人夜雨擲骰不又百代之一余
十日陰晨餐未畢王恂同知來訪必欲入坐輟食見之蕭文昭踵來笠道

十兩僧俱來凌厚增大令強入欲見云縣考求總校諾之莊觀察又來云
李小泉作生日得七珠蟒並有送翠釧者巡撫此生不及百分之一余
因得一聯云八日謝客愧孝達之專精七蟒排珠欣小泉之富麗金聖
歎所謂此一聯堪絕倒者

十一日大晴今年始見好日必得熱鬧上元也鄧第武來鄭老湛來層層
虧空事楊兒來云皮鹿門已去

十二日晴老湛復來作王逸侯通鑑引義序成即送去壬年八十猶坐補
邊缺太倉人湯臨川師門也將出湘霞拜客遂留不去

十三日丙午雨水晴煊始著羔裘出答劉彥臣直牧談王鏡芙事甚詳還
攜孫男看戲欲令知市井事乃一無所開發揮汗而還寄僧來左年姪
來求書于張胖子左志和妻來

十四日晴陰步至浩園陪吳主考鏡初子羅順循寄禪素蕉筏喻同集用

廿八千刻磁盤云筏所置也頗諳官事言陳李二弁干預放縱之狀及兩縣昏憤頗類王張太保之爲城中用宵小主文壇筠仙所云斲喪元氣者未散劉桂陽催客步往王陳俱集采九亦至云到我處未知也夜還甚飽擲骰至三更

十五日雨聞雨晏起作張楚寶寓館記並爲左子與書託之夜鐙如月得句云鐙如月影留晴色雨入元宵有喜聲滋妾生女來報命遣老嫗視之擲骰未終局客來遂散凌清泉送聘八金正窘亦得小濟可笑也有時揮千金無時寶一錢然千金仍不顧也此謂固窮亦可驗人無餓死時余熟知此理故能全其節淵明冥報相貽則別有寓言非感恩之說十六日晴晨未起法喻來請陪吳主考羅曹續至申散步還李嫗生子去魯乃脩師耶來見

十七日大雨竟日王恂逸侯專請早飯余誤以爲夕食久不去再催乃悟

陳德生先在又一人冒冒失失自謂故人殊不知其姓但聞澄翁正翁久乃知爲曹廣澤副將以其自稱鏡初也又一人云諸桓之子曾任永綏廳又一曾生常熟人識楊吉南今在撫幙

十八日晴始理家事王迪安來云清泉須索重聘乃可往未知其意似是劉星白遣之也

十九日陰杜榮來欲干臨湘令爲強一見之呂生求書久未作因閒試寫一段鄭襄老湛魏仲青來訪又消半日夜雨遣工迎館師

廿日雨盈孫千文錯亂生落召三女一孫大爲清理遂盡一日亦可樂也
序鏡初陰符疏

廿一日雨勢益濃北顧驟寒欲雪移榻樓上將出城矣魯師耶招飲辭之招諸女鬪牌百負不得一勝乃知敗子破家非關殃咎半山云敗亦可喜喜則不情然甘敗而極其敗敗不能奈我何亦執拗人所由喜也

廿二日雨寒惻惻正有春景魯師耶魏仲青鄭太耶均來魏云午莊從子初不相聞未知何以至此

廿三日雨張先生來上學遣迎未遇受苦五夜好一首孟郊詩料也柳一亦夕至魏仲青送竹笠

廿四日雨積負應酬當出一了之命昇往城北東謁采九遂東行答魏魯

徐幼方劉皆不遇至糧署前與學臺爭道欽差官無威勢令人憶孫公

符丟荷包時還家已夕夜與諸女鬪牌滋不依法怒責之飲人狂藥責人正禮遂罷戲莊米湯來王迪安言于寶雪舫斫破鳳鞋包頭以畫自給爲徐耕娛弟子近青泥蓮花也四老少來

廿五日風雨逾寒鄭三少耶來云其父約飲請改明早言次復欲摸腳又請定工課余擬以不摸爲一條續以當告其父遂未及也本非師生何勞教訓次婦往魏家迎父殯余亦專人迎之禮也莊米湯來談

廿六日雨昇出不備笠轎工衣袴皆溼出大西門臨彭親翁之喪小舟大風雨二子號哭有禮令人感異旋入西門送王恂逸侯至東城赴徐方泰幼穆之招鄭太耶猶未至安徽二令劉王續來吳楚卿立達來云曾至四川主如冠九恂謹雅儒大器也赴藩使招先去余借夫乘夕先還風雨益急英子兩兒震燾來旋去

廿七日晨未起房嫗甘言大雪披衣起視午間震燾來令之亟歸司道府縣公宴鄉士報其先宴也余先不與而應官招亦成其相禮之意待至酉初不催客自往則咸集矣臬使初未相見府縣亦面生可疑有但少村糧儲主席同坐者亦面生心知爲張金剛門下生下彩四掛補前日之闕每事立異亦令人厭俗不可諧唯有閉門可以免咎得辛眉書荒唐膽大吾道益孤矣看蓬道人眼福書竟日夜竟不寐雨雪竟夜

廿八日雨作書薦李恩生於黃右江薦陳芳畹於河南三官薦陳備於但

糧儲薦胡杏江於李朝斌閒暇無事補鈔隋書賀今日丙午驚蟄冷過

大寒徐幼穆來

廿九日陰雨看蓬道人戲本寄禪僧來問僧敲月下門勝推字易知何必
推敲余云實是推門以聲調不美改用敲耳敲則內有人又寺門高大
不可敲月下而敲門是入民家矣敲字必不可用韓未思也因請張正
六陽改一字張改關字余改留字

二月戊申朔晨醒甚早待房媪久不至遂至日晏家人盡起朝食矣欲有
所作而難於起手以未久當去也唯看小說殊非自強之義夕食待夜
爲張年姪與書劉道臺並與書任師耶薦秦容丞午見日旋陰

二日仍雨所不料也午復見日看八代文每日點廿葉夜雨聞漏滴桌上
呼復起輿亦起明燈復睡

三日晨雨午後晴萬祖恕來顏色敷腴似知縣矣談辛眉行事亦有微詞

夜看八代文摺子去慧孫生日

四日晴食索麪周兆矩來得盧元張書云將主講萬縣寄禪來頃之笠雲
約游浩園卽留午齋道素兩僧皆在將散遇張雨珊要至其寓自彼管
園尙未一至略談而散湖北寄銀來正在窘迫又得濟也

五日晴作游詩笠素來要游左祠不去午課畢至荷池逸吾招陪陸廉夫
曹副勝楊兒李幼梅小坪黃覲虞劉采九雜談縱論至戌乃散

六日晴陰看張縣丞紹齡詩亦學盧孟子擇兒也而不知余爲父執蓋自
恃其年老孟子所謂挾長者得山東兒女書命諸女作復步答張丞遇
之於塗心盒招飲先往清談頃之逸吾雨珊覲虞幼梅繼至陪客陳道
臺允頤養原最後至看電報夜雨

七日雨真女字生反復示之始知強教無益郭見安來送鄂局銀九十兩
將覓寄京寓也決意捐官真有痰氣遣輿兒答之李朝斌擅囚貢生衆

人右李勢利中於人心無所利而爲此出於至誠亦可閔也

由稟

八日陰晴晨起催飯買豬羊泥不能去以錢代之過了百川小坐循鋪路
行卅里至大坵臨彭朶翁之喪四子均哀諸孫亦知戚敬不易得也客
有沈心海父子李芝岑兄弟余與沈李非知交然其子則當視爲父友
十談論之間難於接對夕開壙見水土中雨浸也二李一左均言不可葬
主人亦皇皇然待至鷄鳴乃寢假大坵逆旅爲館鋪張亦備且設中牢

十二席

兩席

九日晴待昇夫飯畢而行道遇何棠孫問鄭事甚關切餉以回餅一枚午

正到家庖具略備矣更考饋食禮將刊譜中以垂後世請正暘更定之

十日丁巳晴午陰夕雨祠祭

而末

禩廟仲章耐食已正行事既設西北隅忽悟此爲耐食之薦非用筵席者

筵席於匪也始虞初葬而有耐食者祭厲之意以安死者凡祭有配則

不可耐食

亦非也前說
鬼餒爲安

故少牢無此設午要見安正賜飲周郢生楊兒

作陪子孫侍食實餽也見安送銀將還報之故不辭

十一日晴清泉書來告試期而未遣迎報聞而已午出北門至碧湖與祭

酒先後行呼之不應既入則黃觀虞唐子明先在陳總兵爲主人李幼

眉後至論戲酒事祭酒成祭戲矣夕散作書與冶秋寄功旅費

十二日雨約送京信至張雨珊處不遇見其子仲肉略談訪笠僧不遇答

訪縣令彭飛熊馳還午後笠寄來議遊集齋設丁百川來

十三日雨送蓬海書畫跋與巡撫其子欲達姓名故也用階次子小階來

見云困於旅次爲致書右江道謀之曹梅舫來部屬也余與之言庶吉

事云其兄子欲來執藝撫臺書來報武岡之捷鄧氏復安矣賢人果益

人國且益人家也然被窩牲口所損亦多

十四日庚申春分雨曹典初來受業美才也雨珊來言匯鈔仍由票號

十五日雨竟日約陸廉夫曾士虎爲碧湖之遊兼齋五僧筏喻不至曾亦
旋去李小坪云當發摺且言武岡寇乃懾於魏午莊非賢人力也魏新
募六百蓋將繼俊臣之後湖南強幹猶存可謂有本廉夫於紫微堂樓
作畫李小坪將作字寄禪作詩道香借紙素蕉和墨笠雲看畫至夕乃
散住持性華同集前未識之

十六日陰

先府君忌辰素食郭見安來看無名人經解卷得功我丁壻書元夕前發
未正設薦夜看湘孫家信聞吹號云起火或又云月食也胡杏江來索
錢

十七日晴煊素蕉來送畫工筆佳品也曹梅舫來寄禪來送詩改功文二
篇點文粹畢六本徐幼穆來約遊麓山

十八日晴遣看船買海棠笠雲率魏生來朱穉泉張年姪來彭雲樓秘來

李朝斌所捕貢生也李買田而彭墓山地在其中先無契存李作生壙彭恐侵之遣唐姓往說李爲平毀待之有禮矣彭乃夜葬其穴於是李怒躬往討捉諸生大譁諸富人助李以彭爲可罪余得其情勸彭遷葬而彭不許也構訟分朋不知何時當了因爲諸客言昔封籙事諸女作寄遠書道香又來求字閒復鬪牌至夜乃憶日課姜奮兩生來學禮燭

下點書卅餘葉

章養晉
陳潤清

十九日雨早起飯後睡起偶出遇見安來送行劉梅生陳梅根許豬販來

乘鈞

笠雲改詩甚佳

廿日雨用階繼妻送土儀云借錢未得始命看船以避需索收文二篇鄒桂生三篇鄒來取去校荀子一過取前本勘之所見無異而眇不復憶矣

廿一日晴始約徐幼穆游麓山擬於今日下船明日遂移泊對岸後日長

行諸女喜於從游踊躍不寐清卿來辭以登舟黃福生來云翰仙還裝
六千金今烏有矣鬪牌方紛紜念陳家必須照料步往心盒處商之遇
全興已知州矣心盒云須尋陳養源屬百川通因至撫署訪陸廉夫李
小坪曾虎士遣告主人出久談論彙黍及銖兩黍數甚有新解廉夫畫
碧湖圖清卿題之云軍書旁午不暇詩也具言武岡溆浦麻陽三處盜
起遂至夜分乃出青衣小帽夜入節署不相宜也以當去姑一爲之買

桃一株

廿二日晴昨桃禁戊未栽晨起看栽因搖去蠟穀朽株補於其處昨未得
發行李今晨客已至舟飯後亟往四孫二女俱從丁百川在舟徐幼穆
鄭老湛父子亦先至余約正暘在舟照料與寄禪同渡三昇二步過書
院未入至萬壽寺以爲小廟試入乃知卽虎岑堂也岑法師開山禪門
呼爲岑大蟲故云虎岑住持不相識留飯未待先游雲麓宮傍有嶽雲

石道土居也啜茶看湘州二津形勢甚壯蓋所謂吳芮陵也喫薰雞乾肉包子草橐肉甚飽萬壽僧來請齋不能食矣烹六安茶飲白鶴泉而還徧遊嶽麓齋寺館宇甚壯大似焦山還乃遇正暘攜兩孫懿復真湘慧孫俱來余送真至渡口復至書院諸生並出觀遂攜諸女遊屈祠再登赫曦臺川原壯秀佳處也夜來登舟夕食畢暮矣卽泊牌坊下問正暘牌坊古何名正暘以爲川諸女畢留舟宿

廿三日清晨起移泊水麓洲送諸孫復女入城男女僕從者四人從百搭橋待義渡入大西門喚兩轎送三女二傭攜兩孫先歸余後到遇陳躍龍門云方相訪復隨入談客去登樓稍檢書札作書與陳養源道臺爲陳家借盤費攜甘嫗泛小艇上船午飯正暘復入城去頃之兩孫來翔嬉洲上昏暮始還舟正暘亦至南風未息仍泊故處

廿四日晴晨開纜行至探塘得西北風帆行過昭山西風愈急舟漏不可